





寶刻叢編卷第三

京西南路

京襄州

錢塘陳

思

纂次

春秋已來楚見秦南郡之北界二漢屬  
南陽南郡魏置襄陽郡晉因之蕪置荆  
州東晉置雍州宋文帝割荆州置雍州  
後梁蕭詧都此西魏改曰襄州隋開皇  
初郡廢大業初州廢復置襄陽郡唐武  
德四年曰襄州天寶元年曰襄陽郡後  
為山南東道  
節度今縣六  
襄陽  
南漳

鄧城  
穀城  
宜城  
中廬

漢南陽太守秦君碑

互見鄧州

卷三



在宜城

碑錄

在今之故

都也按漢紀中平三年

二月江夏兵趙慈反殺南陽太守秦頡鄱道元注水經云秦頡郡人以江夏都尉出為南陽太守卒于南陽還塋宜城余昔從事總幕奉饒荆楚道出古郡于荒烟落日吊所謂秦君冢者有碑踴然剝蝕殆盡徘徊其下親視臨搨僅得數十百字而止其額十大字曰漢故南陽太守秦君之碑其名字除拜俱不可攷天下碑錄載秦君之碑有二一在宜城一在南陽惟碑首存歐

趙二錄止得碑首俱南陽本也余歷走邊郵四懷南陽之機探古索隱無所不到訪南陽之石

無有矣惜哉集古後錄

漢荊州從事苑君碑

漢故荊州從事苑君之碑篆額碑云君諱鎮字仲弓南陽人也碑殘缺不見立石年月復齋碑錄

漢築陽侯相景豹碑

在穀城西一里文字磨滅訪碑錄

漢侍中王逸碑

在宜城南三里訪碑錄



漢山陽太守碑

在穀城縣北二十里

訪碑錄

漢司徒掾梁休碑

在穀城縣四里建安二十七年立文字磨滅訪碑錄

司徒掾梁君碑篆額惟存錄碑二字碑錄云襄

州穀城有司徒掾梁君碑建安二十七年立此

黃初前一年也豈吳人尚用漢歷乎否則誤字

也梁君名休字元聖為郡五官掾歷郎中光祿

主缺一字碑司徒府掾拜新都令有葬年月而缺

其所終太守趙君相與謚之曰貞文子銘詩以

三言為文隸續釋

漢郭先生碑

不見書撰人名氏碑在襄州穀城縣界中其辭

云先生諱輔字輔成又云年五十有二過疾而

終其文字古質蓋漢碑也其用鄉鄙字與漢婁

壽碑同集古錄

隸書不著書撰人名氏書字甚古蓋漢碑也先

生名輔字甫成荊州人碑在穀城縣集古錄目

集古錄以為漢碑按後魏鄴道元注水經其載此



碑云碑無年號不知何代人然則歐陽公何所據遂以為漢人手余以字畫驗之疑魏晉時人所為既無歲月可攷姑附于漢碑之末金石錄

郭先生之碑隸額郭君名輔無歲月時代歐陽公以為漢碑趙以為魏晉字畫今碑有兩昭字晉人所諱疑此是魏刻隸釋

魏襄陽太守劉府君碑

魏故襄陽太守虎威將軍平都亭侯劉府君碑其字甚偉高貴鄉公正元三年四月二十日辛丑建後齋碑錄

魏劉熹學生冢碑并陰

在今穀城縣界中余為乾德令時嘗以公事過穀城見數荒冢在草間傍有古碑傾側半埋土中間其村人為何人冢皆不能道而碑又磨滅不暇讀而去後數年在河北始集錄古文思嚮所見穀城碑疑為漢碑求之又數年乃獲按襄州圖經云學生冢在縣東北水經注云魏濟南劉熹字德怡博學好古立碑載生徒百餘人其不終業而卒者莖于此號學生冢今碑雖殘缺而熹與生徒名字往往尚可見蓋余昔所見乃



學生冢而碑魏時碑也熹穀城令也集古錄

隸書文字磨滅不完其間有稱大魏者又曰濟

南劉熹字德怡而最後有學生名百餘人并列

其所授諸經襄州圖經曰熹常為穀城令學者

多往從之其受業未終而歿者悉葬之謂之學

生冢此碑是也在穀城縣學生冢傍集古錄目

魏學生塚碑在今襄州之穀城按鮑至南雍州

記穀城穀伯綏之國其東北有學生冢有碑

據酈道元水經注乃濟南劉熹字德怡魏時宰

縣雅好博古教學立碑載生徒不終業而卒者

乾道初元春三月余督饒穀城撫得此墨本凡

授尚書者二人授禮記者七人授孝經儀禮者

各一人授左傳者六人授易者四人授詩者十

七人各書州里姓氏字之而不名祭酒一人故

吏二人生三十有八人童八人書姓字書名而

不書里邑孔子作春秋視之賢否為褒貶或以

名或以字或書爵邑或不書豈亦春秋之意乎法

集古後錄

### 晉杜預碑

在襄陽縣東九里峴山下訪碑錄



梁檀溪寺禪房碑

梁信威主簿劉之迥序記室參軍鮑炯銘前輔國郡都曹參軍許璠書檀溪寺者東晉人張殷以宅所立咸安中沙門道安重建宗元嘉二十五年有西域浮屠又建禪房于池水之東其地逼隘梁天監四年勅別給池西之地移而立之碑于天監十一年四月立

集古錄目

梁三絕碑

劉孝儀文蕭子雲書普通三年立

諸道石刻錄

梁重立羊祐墮浹碑

梁大同中以舊碑殘缺再書而刻之碑陰具載其事今附于次

金石錄

晉故使持節侍中太傅鉅平城侯羊公之碑篆額正書無姓名字畫以類劉靈書年月同下碑復齋碑錄

羊公墮浹碑不著書撰人名氏襄陽耆舊傳謂李興初撰也梁大同十年雍州刺史以故碑闕落命別駕從事史劉伯推撰立此本故碑一丈一尺開元間故碑尚無恙李翰林有龜頭剝落生莓苔之句今不存矣

集古後錄



梁改墮泪碑

劉之遴撰劉灵正書大同十年九月金石錄

梁平等刹下碑

梁興業寺碑

庾元威撰二碑諸道  
石刻錄

周刺史豆盧公德政碑

在襄陽縣東三里訪碑錄

周襄州司馬陳府君德政碑

在襄陽縣西五里訪碑錄

後周故儀同陳毅誌

保定三年癸未十二月辛卯朔十九日己酉立

復齋碑錄

後周常樂寺浮圖碑

周保定四年立記室曹胡達撰其辭云襄州刺

史王秉字孝直建常樂寺磚塔七層其碑文作

在開元寺塔院其文字書畫無過人者特以後

周時碑文少見于世故存之

南豐集古錄

大周鉅魏君之神道字

在鄧城縣南十二里張相公墓前訪碑錄

隋興國寺碑并陰



隋內史李德林撰襄州祭酒從事丁道護書隋文帝即位建此寺以祈福碑以開皇六年正月立

集古錄目

歐公嘗得啟法寺碑列於集古錄中而於太學官揚褒處見興國寺碑以不得入錄為恨今碑陰又有襄州鎮副總管柳止戈以下十八人姓名字畫尤完好歐陽公所未見也蔡君謨題其後云有杭州日坐客有曰云小說稱丁真永州木固知名丁何人也予謂道護豈其人耶按法書

要錄丁覘與智永同時人善隸書世稱丁真永

草非道護也金石錄

興國寺在望楚山今為延慶寺南豐集古錄

大興國寺銘李德林撰丁道護書隋開皇間以襄州鳳林山鳳林寺為大興國寺至唐會昌五年武宗用道士趙歸貞說大毀佛寺復僧尼為民而寺廢懿宗朝州刺史蔣係請復寺為延慶寺從之建炎初寺為灰燼此碑獨踴然露立在今府城東南十里歐陽公頃嘗見墨本于學官楊君家欲求其本不知碑所在曾南豐謂延慶



寺在望楚山非也城西南三里有山聳然曰尖  
山者其上可以見郟城宋元嘉中武靈王駿更  
名望楚余登望楚屢矣烏睹所謂延慶者哉集古

後錄

興國寺碑陰有柳止戈而下十八官姓名以丁  
道護書蔡君謨題其後云杭州日坐有客曰小  
說稱丁真永艸永固知名丁何人也道護豈其  
人耶趙德夫按法書要錄曰非道護丁覲與智  
永同時世稱丁真永草德夫之言是矣余謂丁  
覲在時必未得此殼西臺既陷簡書湮散丁尋

卒於維揚妙蹟日為難得已而智永師盛以艸  
書名江東然後人以永草配丁真也丁覲洪亭  
人梁孝元在荊州凡書記俱其筆當時尚為之  
語曰丁君十紙不敵王褒一字獨顏之推愛重  
而寶持之蕭子雲問典籤惠編曰君王賜書殊  
為佳乎姓名為誰編以覲對子雲嘆曰不為世  
所稱亦奇事、見顏氏家訓恐忘之聊附于此

集古  
後錄

前陳伏波將軍陳詡墓誌

周碑缺

撰開皇二十年十二月十八日

墓復齋碑錄



隋啟法寺碑

隋儀同三司周彪撰襄州從事丁道護書隋開  
皇初詔後周所毀佛寺皆復建之州人共造此  
寺刺史韋世康名之曰光福禪房後又改為啟  
法寺以仁壽二年十二月立并邑人趙勵等題  
名集古錄目

此書無後魏遺法與楊家本微異隋唐之交善  
書者衆皆出一法道護所得最多楊本開皇六  
年去此十七年書當益老亦稍縱也蔡君謨  
蔡君謨博學君子也於書尤猶稱精鑒余所藏書

未有不更其品目者其謂道護所書如此有太  
學官楊褒者喜收書家藏道護所書興國寺碑  
是梁貞明中人所藏君謨所謂楊家本者是也  
集古錄

啟法寺碑開皇中立啟法寺今為龍興寺在襄  
陽城西南豐集古錄

啟法寺碑仁壽二年建曾南豐以為開皇中立  
誤也道護之書見於世者獨興國寺碑與此碑  
尔二碑俱在襄州前年春訪碑於寺止得興國  
寺碑而啟法寺之碑無有此可珍也集古錄後



隋儒學碑

大業三年立 諸道石刻錄

唐襄州刺史鄒襄公張公瑾碑

釋法琳撰蕪敬雅正書貞觀七年七月立襄陽

圖經云碑今亡 復齋碑錄

唐法門寺記

無撰人名氏沈季範正書貞觀十一年二月十

五日立 復齋碑錄

隋處士羅靖誌

處士以仁壽四年五月二十三日終夫人張氏

於唐龍朔二年終合葬於習池 復齋碑錄

襄陽有隋處士羅君墓誌曰君諱靖字禮襄陽

廣昌人高祖長卿齊饒州刺史曾祖弘智梁殿

中將軍祖養父靖學優不仕有名當代碑字畫

勁楷類褚河南然父子皆名靖為不可曉拓拔

魏安同父名屈同之長子亦名屈祖孫同名胡

人無足言者但羅君不應尔也 容齋隨筆

隋處士羅君碑字畫可喜而不載書人名氏初

余至襄州刺史館余于州治之東地有木龕座

經如積掃滌而視之此碑也遂撫得之去年春



余復有剝裳之行訪此碑則曰卒吏輩實持不  
度碎而棄之矣可謂不幸也昔林邑王楊邁死  
子咄立慕其父德改名楊邁昭穆兩世而一名  
余每笑歎謂天下事何所不有今羅君之父名  
靖而羅君以名靖殊不可曉羅君以仁壽四年  
卒夫人以龍朔二年葬自隋仁壽四年訖唐龍  
朔二年則夫人之守志蓋五十有九年以壽終  
亦可尚矣集古後錄

唐口巖寺西德義社浮圖銘

儀鳳二年四月八日立在鳳林山

復齋碑錄

唐啟法寺金銅無量壽像碑

唐張昌齡撰吳知禮分書永淳元年四月八日

建復齋碑錄

唐孔子廟堂碑

唐于敬之撰正書無姓名垂拱元年立其前題  
魯大司寇贈太師宣尼父孔丘廟堂碑銘春秋  
之法或書字或書名皆所以寓褒貶之意今敬  
之為孔子廟碑而斥其名何哉金石錄

唐襄州刺史封公碑

撰人姓氏名殘缺宋之隱正書垂拱元年十月立



字書頗佳之孫之問弟也 金石錄

### 大周靜貞觀碑

何彥光撰正書無姓名登封元年二月立 金石錄

### 唐尹仁恕妻韋夫人墓誌

正書無書撰人名氏題云三代孝子尹府君妻

韋夫人墓誌開元二年十一月立 復齋碑錄

### 唐遍學寺碑

唐黃門侍郎常承慶撰太子詹事越國公鍾紹

京書將仕郎阮和靖建禪院于遍學寺以開元

二年立此碑 集古錄目

承慶有詞學張易之敗時承慶以 附記 方待罪

衆推令草赦書承慶援筆而成衆壯之紹京景

龍中以苑總監從討常氏有功性嗜書家藏王

羲之獻之褚遂良書至數十百卷以善書直鳳

閣武后時榜諸宮殿明堂及銘九鼎皆紹京書

也其字畫妍媚道勁有法誠少與為比然今所

見特此碑尚完尤為可愛也遍學寺于宇文周

為常樂寺於今為開元寺 南豐集古錄

唐常承慶撰鍾紹京書按書苑紹京者鍾繇十

五世孫按姓纂繇弟演、玄孫雅、五代孫韜



韜孫寵、曾孫法威生紹京乃鍾演十五世孫  
繇十五世之姪孫耳武后時題諸宮殿明堂及  
銘九鼎俱紹京筆當時呼為小鍾景龍間以誅  
韋氏拜中書令朝廷稱其功勳忠鯁筆翰為三  
絕明皇在藩邸受重其書及即天子位復拜戶  
部尚書太子詹事此碑開元二年立集古後錄

唐裴觀德政碑

唐賈昇撰僧湛然分書開元八年立在峴山復齋

碑錄

唐御製孔子廟堂贊

開元十一年八月四日建

諸道石刻錄

唐刺史靳恒遺愛頌并陰

唐張九齡撰高慈正書開元十一年立碑陰述

群官陪新使君登峴山紀文

復齋碑錄

唐韓公井記

不著書人名氏八分大書三字曰韓公井其記  
真書舊傳井有靈人不敢汲唐採訪使韓公酌  
而飲之由是汲者無患故以為名韓公名朝宗  
碑以開元中立在宜城集古錄目

開元二十二年初置十道採訪使韓朝宗以襄



州刺史蕪山南東道採訪使襄州南楚故城有  
昭王井傳言汲者必行人雖暍困不敢視朝宗  
移書諭神自是飲者無恙人更號韓公井楚故  
城今謂之故牆由梁太祖父烈祖名誠當時避  
之故至今猶然此記今移在郡廨中

南豐集  
古錄

### 唐<sup>庫</sup>狄履遺愛頌

唐周擇從撰蕭誠書天寶三載正月

金石錄

襄陽令河南庫狄君遺愛頌天寶中周擇從撰  
蕭誠書石已中断僅存其半云名履溫峙之後  
按北史庫狄峙傳其先遼東人段四碑之苗裔

以避難變姓庫狄

集古錄

### 唐尹仁恕闕文并旌表記

不著書撰人名氏闕文凡十二字曰大唐孝子  
四葉旌表尹仁恕闕其後有記仁恕曾祖養伯  
字嗣宗祖忤字守忠父慕先字冬筠仁恕字南  
金皆以孝行被旌表仁恕闕以天寶五年立

集古

錄目

### 唐尹氏孝德記

唐吏部尚書同中書門下三品張柬之撰不著  
書人名氏忤字守忠襄陽人事親居喪皆以孝



稱貞觀龍朔中丹有詔褒美旌表門閭碑以天  
寶五年立集古錄目

襄陽尹氏世以孝聞天下嗣宗生忤，生慕先  
慕先生仁恕一門四闕而此記又張東之作忠  
臣孝子萃此一碑可尊也集古錄後錄

唐放生池碑

唐襄陽太守山南東道採訪使李愷撰字為八  
分不著名氏愷以城下漢水為放生池立此銘

不著年月集古錄目

唐放生池石柱銘

不著書撰人名氏天寶十載李愷為襄陽太守  
父老李君秀等請以襄陽臨溪兩縣江水近城  
者為放生池止人漁釣立石柱於東西境上以  
表之因以君秀等狀及州符刻於柱上集古錄目

放生池唐世處，有之王者仁澤及於草木昆  
蟲使一物必遂其生而不為私惠也易大傳曰  
庖犧氏之王也能通神明之德以類萬物之情  
作結繩而為網罟以佃以漁蓋言其始教民取  
物贊生而為萬世之利此所以為聖人也淳圖  
氏之說乃謂殺物者有罪而放生者得福苟如



其言則庖犧氏遂為人間之聖人地下之罪人也

集古錄

唐襄陽牧衛玠遺愛頌

唐李邕撰蕭誠書天寶中立

訪碑錄

唐襄陽牧獨孤卅遺愛頌

唐李邕撰蕭誠行書天寶中立

金石錄

唐江夏太守李邕撰蘭陵蕭誠書府君名冊字伯謀河南人嘗為襄州刺史此碑襄人所立也石為四面其兩面剝缺不可讀不知所立年月

集古錄目

蕭誠書世多有而此尤佳碑在峴山亭下碑為四面而一面最完今人家所傳祇有一面而余所得有二面故其一面頗有訛闕也府君諱冊字伯謀河南人也

集古錄

唐襄陽令盧僎德政碑

唐太子正字閻寬撰伊闕縣尉集賢院待制史惟則八分書僎字子成范陽人為襄州長史此蓋去思碑也碑字多殘缺不見所立年月

集古錄目

唐襄陽令盧君德政碑天寶中立

金石錄

唐王粲石井欄記

卷三



魏侍中王粲故宅在襄陽其石欄至唐猶存上元二年山南節度使來瑱移之于刺史官舍叅謀甄濟撰記判官彭朝儀書上元二年七月立

集古錄目

甄濟者韓愈所謂陽瘖避職卒不污祿山父子事者也其文得之為可喜而朝儀書尤善皆可

喜者也

南豐集古錄

### 唐廣習池記

唐盧允中撰大曆二年立

訪碑錄

### 唐襄州新學記

唐盧群撰羅讓書貞元五年六月建碑陰題山

南東道節度嗣曹王臯等十三人名銜復齋碑錄

### 唐漢陽張東之碑

唐李邕撰瞿令問八分書貞元十二年年十一月

金石錄

### 唐王粲石井欄又記

唐上元二年來瑱移之州治立石作記貞元十七年于頓為節度又為之記掌書記胡記八分

後又題記頓進封燕公隨軍屈賁書貞元十七

年六月立

集古錄目



唐修劉景升廟記

唐盧群羅讓書貞元中立訪碑錄

唐孟浩然碣

唐樊澤撰正書無姓名無立石年月金石錄

唐處士孟君墓碑按唐史浩然襄陽人卒于開元之末契樊澤為節度使乃刻碑鳳林山南封寵其墓余嘗親拜墓下碑刻西面其一面極磨滅首行有江南風景四字墨工謂之江南風景碑多不摸傳余反復研味乃同一碑尔遂語諸人其後得全碑音自余始此碑樊澤撰不載書人

姓名襄陽者舊傳謂六樊澤書其間可與言詩及詩語樂和詩字俱從首從寺此字于他書無所見獨見于此聊記之集古後錄

唐樊成公遺愛頌

唐中書舍人平章事李絳撰太子少保鄭餘慶書襄州刺史山南東道節度使袁滋篆額以憲宗時鎮山南言故貞元中節度使樊澤在州有善政請立遺愛碑絳奉勅撰澤字安時南陽人後終于荆南節度謚曰成碑以元和八年十

二月立集古錄目



碑云相國賈公時鎮漢南以公為行軍司馬明年召賈公代其鎮賈公者賈耽也初耽以德宗在梁使澤奏事俄有急詔以澤代耽大將張獻甫曰天子播越行軍以公命問在乃反利公土地可謂事人不忠矣軍中不平請為公殺之耽曰是何謂也朝廷有命即為帥矣碑稱詔書始下而人情悅毀譽之不可以為信如此

集古後錄

唐絳州長史李君夫人京兆杜氏墓誌

從弟宣猷撰大和五年塋于襄陽明年厝于習

池後記李公諱齊用大和九年卒祔于夫人塋

孫亞夫記復齋碑錄

唐文宣王廟記

唐裴度撰崔倬書盧弘宣篆額大和六年四月

金石錄

唐王粲石井欄別記

唐會昌二年節度使盧鈞復理粲舊井別作新

石欄而記之前武功縣尉李掖書集古錄目

唐創修五道將軍記

唐朱泳撰無書人名氏會昌三年七月復齋碑錄



唐修興國寺舍利塔銘

唐魏子仲述會昌四年二月建復齋碑錄

唐漢江神廟記

唐孟珪記正書無姓名會昌六年八月立復齋碑錄

唐三聖蘭若鏡燈記

唐楊知遠撰屈師穆八分書并古文篆額大中

五年七月建復齋碑錄

唐立蜀相武鄉忠武侯諸葛公碑

唐李景讓撰正書無名氏篆額大中十年三月

建復齋碑錄

唐延慶院記并碑陰勅牒

唐蔣係撰魏修正書咸通三年八月立碑陰勅

牒二咸通二年趙韜正書復齋碑錄

唐尊勝經

咸通七年五月諸道石刻錄

唐徐高德政碑

唐李陞撰李曉隸書并篆額咸通六年十二月

建復齋碑錄

唐延慶院徑藏銘

唐趙璘撰裴光遠八分書并篆額咸通九年六



月建 復齋碑錄

唐義亭記

唐劉盧<sup>虛</sup>白撰裴光遠正書篆額咸通九年六月

復齋立碑錄

唐聞喜亭記

唐趙璘撰咸通十一年四月五日作亭 復齋碑錄

唐新葺池臺六詠

唐裴坦撰正書無名氏咸通十一年立刻於聞

喜亭記碑陰 復齋碑錄

唐雲麾將軍宋戎墓誌

從孫程撰劉虔古書并篆額咸通十一年八月

復齋碑錄

唐社稷壇記

唐容管經略推官皮日休撰國子監 學博士

裴光遠八分山南東道節度使裴坦新修州之

社稷壇以咸通十二年刻此記 集古錄目

唐山南東道左押衙韓政誌

正書無書撰人名氏乾符己亥九月 復齋碑錄

唐新立鎮南將軍劉表廟碑

唐陵州刺史劉權撰并書劉表字景昇山陽高



平人後漢末為荊州牧僖宗時山南東道節度使劉巨容常夢見之故為立廟巨容自稱裔孫碑以廣明二年立集古錄目

唐劉表碑陰

碑陰劉巨容題記與廟碑同巨容孰立廟曰于墓側構水亭為遊宴之所後記表僚屬蒯越韓嵩等及蜀先主在荊州事迹未有表所作山道口亭銘刻在廟碑之陰集古錄目

唐改封武威王新廟記

唐徐礪撰正書無名氏篆額光化二年六月立

在襄陽縣

諸道石刻錄

唐淮安王趙公祠堂記

無建碑之歲月又不載其名字莫詳為誰余疑趙德諲即其人也按唐書德諲傳初從秦宗權為右將以討黃巢功授申州刺史而碑云大寇作二京陷公始為義陽郡太守義陽郡即申州也又按光啟元年秦宗權陷襄州以德諲為山南東道節度留後文德元年德諲以襄州降以德諲為忠義軍節度使宗權平加中書令封淮安郡王遷拜次序與此碑所書俱合碑又云今



令公功業不虧于舊日官榮更顯于昔時今令  
公者其于中書令正凝正凝以天祐元年封楚  
王此碑蓋立于龍紀之後天祐之前故止稱為  
今令公也集古後錄

後梁重建鼓角樓記

鄭勞謙撰正書無名氏開平二年十二月復齋碑錄

梁修峴山亭記

無書撰人名氏篆額貞明二年十一月諸道石刻錄

晉卧龍山武靈王學業堂記

李光圖撰正書無名氏篆額天福三年七月記

復齋碑錄

通州石固尉鄧茂誌

毛元素撰立石年月 復齋碑錄

梁將軍碑

在穀城縣北二十里 訪碑錄

節度使梁崇義碑

在襄陽縣東二里 訪碑錄

大將軍席肅公之神道

陳仁稜書 弘陀經

延慶縣重修法華記

韓里復碑

道德經幢

五碑諸道石刻錄



鄧州

春秋時申鄧二國之地戰國屬韓自後  
屬楚秦置南陽郡二漢因之晉屬南陽  
國又順陽義陽二國之境宋齊為南陽  
郡後魏無置重鎮隋開皇  
初改為鄧州大業初州廢復置南陽郡  
唐武德二年曰鄧州天寶元年曰南陽  
郡梁陞為宣化軍節度後唐改曰威勝  
周改曰武勝今縣五  
穰縣南陽內鄉  
折川順陽

漢張子子前後殘三碑

漢崔子玉撰并書其刻石為二本一在南陽一

在向城天聖中有右班殿直趙球者知南陽縣

事因治縣解毀馬臺得一石有文驗之乃斯銘



也遂龕于廳事之壁其文至凡百君子而止其  
後半止矣其在向城者今尚書屯田員外郎謝  
景初得其半於向城之野自凡百君子已上其  
前半止矣今以二本相補續其文遂復完而闕  
其最後四字然則昔人為二本者不為無意矣  
唐寶曆中有徐方回者別得二十一字云是銘  
最後又疑球所得南陽石之半止者尔今不復  
見則又亡矣惜哉集古錄  
小篆世傳崔子玉撰并書衡字平子南陽西鄂  
人仕漢至河間相碑有二一在今鄧州南陽縣

自凡百君子以下止其半一在縣之向城村自  
凡百君子以上止之今以二本相續而文遂完  
文章篆畫樞向城之序而勒之南陽取乃核卷用候卷厨耳非也杜元凱而  
復齋碑錄  
毛元素撰無立石年月碑錄

### 梁將軍碑

在穀城縣北二十里訪碑錄

### 節度使梁崇義碑

在襄陽縣東二里訪碑錄

### 大將軍席肅公之神道

### 陳仁稜書弥勒經

### 延慶院重修法堂記

七碑已見前  
襄陽



韓思復碑

道德經幢

五碑諸道石刻錄

漢司空宗俱碑

碑云公諱俱字伯儷南陽安衆人也而其額題漢司空宗公之碑已殘缺不成文理而官秩名字鄉里特完可攷故詳錄之

金石錄

漢司空宗會碑篆額碑之文皆已殘缺惟名字郡邑父祖獨存而官秩尚可見宗公名俱以察孝廉為城門侯歷郎中議郎<sub>五</sub>官中郎將越騎

校尉汝南太守少府太僕太常遂拜司空

范史

漢司空宗俱碑陰

宗俱碑陰額上六大篆曰門生立碑人名正碑甚利減碑背所損却不多上下凡四橫書其人郡邑名字略無官稱當是門生未並仕者故吏不應無碑不傳于後世

隸續

漢宗資墓天祿辟邪字

在宗資墓前石獸膊上按後漢書宗資南陽安衆人也今墓在鄧州南陽界中墓前有二石獸刻在膊上一曰天祿辟邪

集古錄



篆書四字後漢宗資墓前有二石獸刻其膊上  
漢圍令趙尹碑

其額題漢圍令趙尹之碑而宗資題初平元年十月二十日  
立碑已殘缺名字皆不可攷金石錄  
漢故圍令趙尹之碑額名字俱缺趙尹以歷二邑其一惟存  
數字而滅其下文其卒以靈帝中平五年又二年就帝初平元年  
立此碑詳釋

漢南陽太守秦尹碑 互見襄州

題之漢故南陽太守秦尹之碑秦尹不知為何人不著書人名字  
其碑皆泐滅不可攷得此篆額完曰漢故南陽太守秦尹之碑在  
南陽縣 集古錄曰  
文字已磨滅惟其額十大字尚完好如名字歲月等字攷據後漢  
書靈帝紀中平三年二月江夏兵趙雲反殺南陽太守秦頡或云  
即頡碑也然御道元水經注載頡墓在宜城碑乃在南陽  
或出頡人所立迨以承金不餘

歐趙云文已磨滅惟存其額十大篆字而石者猶有九十餘字其後  
有考廬十二人上計掾史五人題名水經注云宜城有南陽太守秦頡  
墓一前有二碑頡郡人也以江夏郡尉為南陽太守道遠宜城兄一家亦向  
頡駐馬視之曰汝亦我家後頡卒於南陽喪還至汝車不肯進故吏  
因市此地一築之公此為秦頡碑也其向有先和三年字蓋是述  
其前子天下碑錄云碑在宜城墓平年之北也詳釋

漢屬郡蜀國都尉王尹神道

在南陽題云漢屬郡蜀國都尉王尹神道封陌揭水徑清水南道  
仍有二石楹制不精妙題云蜀郡太守王字子孫南陽西鄙人有  
三女字男而家累千金父沒嘗葬三女各出錢五百第一女不差二女建  
楹中碑係有唐向城令張清之撰孝女双石楹記所書与水經合惟  
水經誤以爲尉乃太守耳清之記云天寶元年建宜石錄

魏橫海將軍呂夷碑

魏在橫海將軍平陵太守都鄉侯呂夷之碑蓋額呂夷名字略刻制  
以美初三年年魏魏之佳者仲鍾澤之碑四尺范武碑刻又次之此刻美



愛達劉嘉尔 魏碑

碑云其讳明字義先博冲人也其先四族出自炎帝年六十有一黃初二年正月薨夏侯拱那吏楊向勅銘碑在南阳物

晉張平子碑陰

晉南陽相夏侯湛撰隸書不著名氏湛自封縣至西郢道衡差刻此以於碑陰

西魏持節征東將軍景宣碑

大統十年七月初甲申建 漢高碑錄

西魏征東將軍景宣碑石已破剝失其姓字其額云大魏持節征東將軍南陽太守景宣碑又云持節征東將軍南陽太守

太守南陽太守此碑也大同十年即西魏大統十年也此乃大統十年所刻

其額其目曰西魏征東將軍景宣碑南陽太守

東魏崇先寺碑

碑云年月不知何時所建此寺者隋西魏上滅一字其官乃西魏持節征東將軍南陽太守

崇先寺碑大統十年所建此寺者隋西魏上滅一字其官乃西魏持節征東將軍南陽太守

此數行有脫誤字 照碑履物存錄之

將軍諱福大夫正命又改新野郡在澤為縣晉太康中乃侯國至東

帝始分南陽之新野置新野縣永泰元年魏孝文帝改南陽太守制

其地入於魏准許廣即求之於史而以此今南陽平氏有魏

侯碑碑與本三年持節將軍南陽太守南陽太守在澤廣置之州

其陰亦有澤廣太守碑此即功亭等數人與本碑年碑此

碑於六帝時人也系古碑錄

東魏徐穆之碑

武定元年立在南陽物 諸道石刻錄

唐南陽令鄧京豐山樞記

南陽尉劉平撰并書 永徽三年正月十五日立 漢高碑錄

唐開新野縣

唐立五穀大夫碣

不著撰人名氏唐人鄭璠書持碑自過五穀大夫墓作此錄以開元二十

年六月立碑大統目 據寰宇記南陽物西南七里有五穀大夫墓有碣即此碣也南陽中伯



之國楚文王滅申以為秦昭襄王世曰起代楚取郢即其地為南陽  
郡以縣曰宛即五穀大夫宛人仕雲為大夫晉就滅雲雲勇之以勝於秦  
後已走宛楚人執之德公賤以殺羊之皮五授之國以斬五穀碑云  
大夫姓百里名美諸侯文封地方百里因名焉美之孰也 集六後錄

### 唐令長表記

開元中縣令徐抗所刻太室山人劉元書在穰縣 集六錄目

### 唐擇縣令勅

唐南陽縣野令李伯豫行中天安六年十月建 漢高碑錄

### 唐孝女雙石橋記

唐向城令張濬之撰正書姓名殘缺天寶七載三月金石錄

### 唐南陽縣歷西壩記

唐徐方回撰并序大中十一年三月訪碑錄  
方回云寶應中為南陽令乃崔子玉所修碑末二十字闕於所  
之西壩橋今西壩石本未向見在方回所乃南陽半石之末也今  
又已矣 懷州府志錄

歐陽云云方回寶應中為南陽令乃手子銘末二十字闕於歷之西壩頃  
余至南陽令親摸此記後別有小篆曰朝議郎前行楚州寶應縣徐  
方回大中十年冬領穰縣十一年之生記寶應寺肅宗以楚州寶應縣  
以元年為寶應元年更楚之為宜為寶應縣自寶應起元至大中  
十年相宜宜九十五年方回大中十年如領南陽縣亦以寶應中  
為南陽令歐云說碑誤也 集六後錄

### 唐寓居石表記

唐陝府芮城縣尉馮禮與寺隋大業中宮祖字居芮城縣之玉治鄉  
大中十三年縣令高元墓身三字在郟城南陽縣界中

互見陝州  
此碑有脫誤字  
但原存碑云



以下三碑原列鄧州韓履卿校本所無因仍存於此  
丁卯五月下泝秋日記

唐萊州刺史于府君碑

撰人姓名缺沙門重潤分書開元十年七月  
復

碑錄

唐靈巖寺碑

韓履卿校本  
在卷一三古州



唐李邕撰并書天寶元年立諸道石刻錄

唐靈州都督李公碑

撰人姓名殘缺杜混元分書李公諱琳碑以天

寶三載析木月立金石錄

唐刺史封公德政碑

文字缺落唯餘首尾訪碑錄

隨州

春秋隨國戰國屬楚秦屬南陽郡二漢因之晉屬義陽郡惠帝置隨郡宋齊之西魏置并州後改曰隨州隋開皇郡廢大業初州廢置漢東郡唐武德年曰隨州天寶三年曰漢東郡皇朝乾德五年陞崇義軍節度太平興國元年改崇信軍今縣三隨縣唐城唐陽

漢舜子卷義井殘碑

舜子卷義井碑凡二十三行、三十七字石理

斂剝僅有五十餘字依約可辨其間有光和三

年字知為漢碑也碑在隨之舜子卷元祐丁卯

年郡守許覺之始徙于後圃識其陰云五大夫



秦爵也秦距今千數百年漢東故物移此尚存

菩提達磨碑

圓覺大師塔碑

三碑諸道石刻錄

漢舜子卷義井碑碑誌

刻石一篇於碑之類云一千二百餘年分若子銷磨不可尋舜子井泉許記古隨人問卷祇知今隸書字類科書說氏爵名存樂石陰登覽時未醒政目猶陳他物在園林予於秦人刻石皆用篆許只不能詳視碑中无和紀年遂指此為秦碑非也隸釋

金州

房州

均州

鄂州

唐州

无化軍

寶刻叢編卷三終

寶刻叢編卷第四

錢唐陳

思

纂次

京西北路上

河南府

河南縣



唐竇將軍墓誌

不著書撰人名氏將軍河南人唐大穆皇后之  
族官至右屯衛將軍碑以神龍二年立今其文  
字缺減將軍之名字皆不可見矣集古錄目

唐黃門監盧懷慎碑

唐禮部尚書蘇頲撰玄宗八分書懷慎字懷慎  
范陽人官至黃門監謚曰文成碑以開元八年

立集古錄

唐歙州刺史郭茂貞碑

唐賀知章撰八分書姓名殘缺開元二十年十



月金石錄

唐賜中嶽隱士司徒巨源手詔

唐明皇詔并謝表開元二十二年立在龍門訪碑

錄

唐龍門西龕石像碑

唐張九齡撰分書姓名缺開元中立金石錄

唐令長新誠

開元二十四年二月五日諸道石刻錄

唐玄宗御製初玄宗捧令長一百六十三人又

自製新誠宰相裴耀卿等請令集賢院善書者

書以賜之其後諸縣往集古錄刻石

唐鄂州刺史盧府君碑

唐李邕撰并書天寶元年二月金石錄

唐郇國公李君碑

季子適撰史惟則篆書天寶四年九月金石錄

唐陳留尉劉飛造像記

唐史惟則八分書天寶九年十二月立按封演

聞見記云玄宗嘗幸驪山登朝元閣命羣臣賦

詩正字劉飛詩最清拔特蒙激賞右相李林甫

怒飛不先呈已出為一尉而卒今此記有云頃



校文金殿賡歌柏梁叨沐錦衣之賜遂有長沙  
之後如此則封演所記為不誣矣記在龍門山  
字畫甚工而世頗罕傳金石錄

唐龍門觀音像記

唐陶翰撰徐浩正書天寶中立金石錄

唐贈秘書監程文英碑

唐北海太守李邕撰黃門侍郎張廷珪八分文  
英字文澤廣平人仕至桂州都督府長史贈秘

書監碑以大曆七年五月立集古錄

唐程文英碑陰贈告并重立碑記

男程皓記程廩正書大曆七年五月十五日立

在龍門復齋碑錄

唐右金吾衛將軍兼建碑

碑缺碑側有大曆八年遷葬訪碑錄

唐辨正禪師塔銘

唐太僕少卿鄭妣規撰汜水縣令徐峴書并篆

額禪師名崇一姓任氏濟源人玄宗時詔舉天

下高僧四十九人分主諸寺禪師居東都天宮

寺後移居善興寺代宗親書院額曰法寶嚴持

院德宗時賜謚辨正碑以貞元十年立在龍門



集古  
錄目

徐峴書誠能行筆而少意思也往時石曼卿屢  
稱峴書曼卿多得顏柳筆其書與峴不類而遠  
過之不知何故喜峴書也余嘗曼卿在時稱猶  
未見峴書但聞其所稱曼卿歿已久始得此書  
遂錄之尔

集古  
錄

### 唐宣武節度董晉碑

唐中書舍人權德輿撰皇太子侍書殿中丞王  
丕書晉字渾成河東虞鄉又官至宣武節度使  
碑以貞元十五年立

集古  
錄目

### 唐靈珍禪師塔銘

唐徐峴撰并正書元和八年八月

金石  
錄

### 唐散騎常侍黎公碑

嗣子名缺書大和中立

訪碑  
錄

### 唐香山寺碑

唐白居易撰

諸道石  
刻錄

### 唐修香山寺詩三十韻

唐白居易撰賀拔基書

訪碑  
錄

### 唐醉吟先生傳

唐白居易撰譚邠正書大中五年四月

金石  
錄



唐八節灘詩并龍門二十韻

唐白居易撰訪碑錄

唐白居易碑

唐李商隱撰譚郊書大中五年四月金石錄

唐醉吟先生白公西北巖石碣

樂天自著墓碣也白敏中書會昌六年十一月

復齋立碑錄

唐潛溪記

唐杜宣猷撰正書無姓名咸通八年十月立潛

溪在洛陽龍門山側地有溪谷之勝舊為宰相

李藩別墅宣猷購得之加葺治焉金石錄

唐斛斯府君碑

唐蘓頴撰梁昇卿八分書訪碑錄

唐廣志律師塔銘

諸道石刻錄

唐揚州都督薛公碑

韓秀榮八分書訪碑錄

唐左丞暢悅碑

韓秀榮八分書訪碑錄

唐靜塞軍使張公碑

正書寫人姓名及年月訪碑錄



洛陽縣

漢太尉劉寬故吏碑

漢隸不著書撰人名氏寬字文饒弘農華陰人

靈帝時官至太尉封遼鄉侯謚曰昭烈此碑故

吏李謙等所立

集古錄目

寬有兩碑皆在洛陽上東門外官道傍此碑據  
藝文類聚乃桓麟撰後碑不知何人所為然字  
體則同也

金石錄

碑云君諱寬字文饒弘農華陰人也中平二年  
二月丁卯薨夏四月庚戌葬故吏李謙等立碑



復齋  
碑錄

漢故太尉車騎將軍特進

遠鄉昭烈侯劉公之碑

碑篆額劉公名寬其父崎為順帝司徒寬事靈  
帝兩為太尉通四載以中平二年卒故吏李謙  
等立此碑又有門生一碑皆在洛陽上東門外  
兩碑遺文頗相犯字畫又不相遠所叙歷官行  
事多與本傳合

隸釋

漢太尉劉文饒碑一故吏李謙等立一門生高  
苞等立一在今西都上東門外官道之北洛陽  
尉射圃中近世好事者亭以覆之目其亭為寶

刻蓋以是碑為蔡中郎書故名焉二碑陰各有  
題名唐湖城公劉爽脩碑記亦存焉予官洛五  
年每過上東必徘徊碑下想文饒之高風玩中  
郎之妙楷與歐陽信本之觀索靖書碑坐卧不  
能去何以異因云因令工推拓二碑及陰文裝  
為三帙而時觀之

東觀餘論

漢劉寬故吏題名

寬碑有二其故吏門生各立其一也此題名在  
故吏所立之碑陰寬以中平二年卒至唐咸亨  
元年其裔孫湖城公爽以碑歲久皆仆于野為



再立之并記世序集古錄

寬兩碑皆有陰唐咸亨中碑仆於野其裔孫周

王記室參軍爽字元爽重為建立寬以中平二文未全

劉寬碑陰自王暉至於孝廉守相壹即合長九十七人三河九十一人與其後八郡皆言爵秩

者三輔六十五人磨滅之字什五六五郡國百

餘人可辨財什二三劉公兩碑俱有陰此則門

生之陰也其字畫剛勁法度森嚴與石經公羊

詩書相乾隸續

### 漢太尉劉寬神道二

其一曰漢太尉劉公諱寬字文饒其一曰漢太

尉車騎將軍特進昭烈侯劉公神道各有一螭

蟠屈乎其上下作獸面如夔鼎間饜饜之象

當是變商所刻字法與正碑相類圖畫則微拙

不及王稚子沈新豐之精也劉公莖于洛非僻

陋遐遠之域自昔訪古刻銘古事者惟知上東門外有門生

吏兩碑耳俱不知更有此刻信乎天下之放失舊蹟

是也隸續



永安縣  
偃師縣  
侯氏縣  
鞏縣  
登封縣  
新安縣  
澠池縣  
永甯縣

以下俱闕

壽安縣

唐甘棠館記

唐壽安尉蕭昕撰大理評事史鎬八分書盧璟  
篆額甘棠館者前縣令李公字退思所立此碑  
大歷十一年縣令李德所建又有重刻碑記貞  
元八年縣令李詞刻并往還此館題名者十六  
人附于後集古錄目

唐甘棠館題名

唐人題名始終貞元大中之間自司勳負外郎  
薛存誠至東都雷守韋夏卿凡數十人集古錄目



自唐德宗貞元以來止于會昌文字多已磨滅  
惟高元裕韋夏卿所書尚可讀甚矣人之好名  
也其功德之盛固已書竹帛刻金石以垂不朽  
矣至于登高望遠行旅往來慨狀寓興于一時  
亦以勒其姓名留于山石非徒徘徊俯仰以自  
悲其身世亦欲來者想見其風流夏卿所記留  
連感愴意不淺也故余于集古每得前世題名  
未嘗不錄者憫夫人之甚好名也

集古錄

### 唐東都留守李愷碑

唐中書舍人李紆撰洪州刺史沈傳師書商州

防禦隨軍儲或篆額愷隴西成紀人官至禮部

尚書東都留守祿山叛攻東都城陷歿之追贈

太尉謚曰忠懿碑以大曆四年立

集古錄目

唐贈太尉李愷碑文宗時立

金石錄

### 唐崔能神道碑

唐兵部侍郎李宗閔撰能弟檢校吏部尚書判

東都尚書省從書戶部尚書胡証篆額能字子

才清河東武城人官至嶺南節度觀察使贈禮

部尚書碑以長慶三年立

集古錄目

### 唐淮南節度崔從碑



唐翰林學士蔣伸撰權知太子少傅柳公權書  
從字子義清河東武城人官至淮南節度副大  
使贈司空謚曰貞碑以大中八年立

集古錄目

福昌縣

唐穀州刺史裴君清德頌

正書無書撰人姓名永徽五年三月立

金石錄

裴君名律師碑篆書題額云大唐穀州刺史裴  
公德政之碑按隋書義寧二年以新安縣置新  
安郡唐武德元年曰穀州貞觀元年徙穀州治  
浞池六年徙治福昌顯慶二年州廢以福昌永  
寧長水屬洛州

復齋碑錄

周福昌令張公頌

前鳳閣舍人薛稷撰不著書人名氏攷其字書



疑亦稷所書也張君漢相蒼之二十九世孫武  
后時自福昌令徙為洛陽令而福昌人為之立  
此碑張君名及立石年月皆剝缺不可辨集古錄目  
周福昌令張君清德頌大定元年九月立金石錄

伊陽縣

唐監察御史李希倩碑

唐李邕撰梁昇卿八分書徐浩篆額天寶二年  
四月金石錄

唐乘真禪師靈塔碑

唐長子主簿王雄風撰胡霈然書并篆額禪師  
姓麻氏陸渾人景龍二年為陸渾山圖以獻中  
宗自書寺名曰兜率以賜之及其卒衛尉卿崔  
從禮之妻李氏得其舍利起塔而藏之碑以天

寶七年八月立集古錄目



唐元魯山墓碣

唐監察御史李華撰太子太師顏真卿書

院學士李陽冰篆額魯山名德秀字紫芝河南人常為魯山令碑以建中四年秋立

集古錄目

唐平泉山居詩

唐李德裕撰并分書開成五年

金石錄

唐李德裕撰平泉者德裕山居之所也其間多得四方奇草異木名花恠石而置之因德為之記其在平泉及歷守宜春金陵至于為相有平泉詩凡六十七首同以刻石皆隸書又有臨池

榻記凡數十字篆書皆不著名氏

集古錄目

讀山居詩見文饒夢寐不忘于平泉而終不得少償其志者人事固多如此也余聞釋子有云出家是大丈夫事蓋勇決者人之所難也而文饒詩云自是功高臨盡處禍來名滅不由人者誠哉是言也

集古錄

唐平泉草木記

唐李德裕撰并分書開成五年

金石錄

德裕處富貴招權利而好奇貪得之心不已至或瘦獎精神于草木斯其所以敗也其遺戒有



云壤一州一木者非吾子孫此又近乎愚矣錄

唐檢校戶部尚書高重碑  
姪元裕撰柳公權正書會昌四年十月

清河縣

周伊州刺史衛府尹碑

彭元覺撰趙楚英書天授二年立錄

周蘭陵縣君蕭夫人碑

長安二年錄

周杭州刺史李公碑

却恭書錄

唐襄城令贈魏州刺史李公碑

薛稷書錄

唐散騎常侍贈侍中趙郡成公碑



唐薛稷書撰訪碑

唐幽州都督孫公碑

唐徐彥伯撰開元二年錄訪碑

唐左僕射太子太少保徐國公劉公碑

撰寫人缺開元三年錄訪碑

唐懷州刺史陶大舉碑

唐姚崇撰徐嶠之書開元八年錄金石

唐易州遂城令康府君碑

唐沈淮南撰徐誥書開元九年十月錄金石

唐工部侍郎趙國公碑

撰寫人缺開元十一年錄訪碑

唐贈羽林大將軍泉君碑

長子隱敘蘇晉銘彭果書仲子靖題類開元十五年立泉君者

唐石洪撰王仲舒書元和四年錄訪碑

高麗蓋蘇文之弟泉生之子也高宗時與南生同歸朝仕至  
韓退之與石洪等題名在洛陽福先寺乃同游

唐昇玄劉先生碑

唐刑部侍郎馮宿撰右司郎中柳公權書翰林

待詔唐玄度篆額先生名從政河南猴氏人居

東都玄貞宮敬宗師事之加檢校光祿大夫及

先生之號碑以大和七年四月立二碑一在東

此福先寺題名跋  
見後鈔誤甚深  
以此類者不一而足



都一在長安

集古錄目

### 唐陰符經序

唐刑部尚書鄭澣撰序翰林學士柳公權書內供奉道士孫文杲刻以開成二年七月立在西京苑雍家經已殘缺所存者數十字集古錄目唐世碑碣顏柳二家書最多而筆法往往不同公權書高重碑余特愛摸者不失其真鋒銳皆在至于陰符經序而蔡君謨以為柳書之最精者云善藏筆鋒與余之說正相反然君謨書擅當世其論必精故為誌之

余自皇祐中得公權所書陰符經序遂求其經云石已亡矣常意必有藏于人間者求之十餘年莫可得治平三年有鐫工張景儒忽以此遺余家小吏遽錄之信乎余所謂物常聚於所好也並集古錄

### 唐照公塔銘

唐太子少傅分司東都白居易撰劉禹錫為秘書監分司東都時書照公名神照姓張氏蜀州青城人居東都奉國寺碑以開成三年立集古錄目

### 唐玄度十體書



唐翰林待詔沔王友唐玄度書凡古文大篆八  
分小篆飛帛倒薤散隸懸針鳥書垂露十體并  
各叙其所起刻石有二一在故相宋公家一在  
太常少卿李正緒家同出一本而傳摹小異

集古

### 唐福先寺題名

唐河陽三城節度使韋澳題大中十二年

集古

楊凝

式長壽華嚴院東壁詩

唐石洪撰王仲書舒元和中四年行經錄  
韓退之與石洪等題名在洛陽福先寺乃同游者所書爾金石錄

少師此詩本題于西都長壽寺華嚴院東壁僕  
近歲官洛因覽宗次道三川官下記知之亟往

觀烏墨蹤石本皆不復存院僧云三十年前有  
士人寓是院數歲及徙居他郡壁與石以弗之  
見豈非好事者負之而趨乎今忽得此殊可欣  
也

東觀  
餘論

### 楊凝式題名并詩

不著年月凝式時為太子賓客又其一稱歲在

癸丑者周廣順二年也又有詩二首凝式時為

太子少師按凝式當晉天福初為太子賓客其

分司為少師在漢乾祐中石在洛陽人家

集古  
錄目

洛人好楊凝式少師書信可傳寶但自唐中世



以求漢晉書法不傳如凝式輩所祖述者不遠  
會稽父子筆法似不如是洛人得楊真蹟夸詡  
以為希世珍所謂子誠齊人耳東觀餘論  
金剛經

其字體類徐浩書一云屈賁書訪碑錄

如筠禪師碑

唐楊遠書訪碑錄

尊勝經幢

梵書訪碑錄

心經幢子

篆書訪碑錄

廣愛寺碑

訪碑錄



寶刻叢編卷四終

寶刻叢編卷第五

京西北路下

許州

錢塘陳

思

纂次

卷五

春秋許國戰國屬韓秦置潁川郡漢高  
 帝為韓國後魏亦同東魏改曰鄭州後周  
 潁川郡隋開皇初郡廢大業初州廢後周  
 曰許州唐武德四年曰許州天寶元  
 置潁州唐武德四年曰許州天寶元  
 年曰潁州唐武德四年曰許州天寶元  
 匡國軍唐滅梁復曰忠武軍節度梁改為  
 皇朝元豐三年陞潁昌府崇寧四年建  
 為南輔今縣七年陞潁昌府崇寧四年建  
 長社縣七陽程長葛臨潁  
 舞陽縣  
 却縣



漢郭禧前碑

文字殘缺所存才百許字其可見者公諱

君房而已禧郭躬從孫也郭氏世為陽翟人自

躬以下皆葬陽翟其墓尚存今此碑缺處猶有

陳留扶溝字疑禧嘗寓居是邑其卒也返葬故

鄉而漢書注遂以為扶溝人恐誤

金石錄

太尉郭禧斷碑篆額所存其上一段字畫方勁

前後數行僅有數十字可認其中彊半剝落篆

額亦然首行却有郭君名字禧以靈帝建寧三

年為太尉光和二年薨

隸續

漢郭禧碑陰

其首有四大字云故吏人名其下列故吏密張

立度成區師張協子通雒陽李蒼子考故民河

南陰德紀信以下凡百餘人完畫完好者甚多

筆法淳古可愛

金石錄

漢郭禧後碑

碑殘缺尤甚其略可辨者云惟光和二年夏五

月甲寅大中大夫故太尉郭公薨而其額題漢

故太尉郭公神道字畫尚完

金石錄

漢丹陽太守郭旻碑



碑云君諱旻字巨公有周之裔也又云俾守丹陽為政四年以公事去官年過耳順寢疾瘖類延熹元年十月戊戌卒其十二月丙申葬

金石錄

漢故丹陽太守郭君之碑篆額郭君名旻太尉禧之兄也仕至丹陽太守以威宗延熹元年卒三載禮闕諸子已刻墓道之銘矣而碑石狹小加有瑕癘後十餘年當孝靈光初之二年其從子五原太守鴻因葬太尉公遂與其孫范不改舊文重立此碑今石中有裂文子在越時終得其上一段後一紀尤延之持節江東以其下一

半相贈合而為一遂成全碑

隸續

### 漢文範先生陳仲弓碑

其額題云漢文範先生陳仲弓之碑、文字已漫滅蔡邕字畫見於今者絕少故雖漫滅之餘尤為可惜按邕集仲弓三碑皆邕撰其一碑云中平三年秋八月丙子卒而三碑皆云春秋八十有三後漢書仲弓傳以為中平四年、八十卒于家者疑傳誤

金石錄

漢文範先生陳仲弓之銘篆額兩行額下有穿穿下數行僅存最上一字獨醇字瞭然可識前



一行者其右從月又前一行彷彿是君字蔡中  
即為仲弓作三碑其第二碑有舍光醇德之句  
前有徽士陳君但相去差遠中間無從月者疑  
此非中即可作趙氏有仲弓殘碑以校集本凡  
改定數字豈即此碑乎 隸續

漢陳仲弓碑陰

碑陰故吏姓名多已刊缺蔡邕小字八分惟此  
與石經遺字尔石經字畫謹嚴而此碑陰尤放  
逸可愛 金石錄

漢陳度碑

文字殘缺不完其略可識者云君諱度字妙高  
陳國相人而最後題中平四年九月二十日已  
丑立 金石錄

君名度字妙高陳國柘人靈帝中平二年卒又  
二年立碑此刻大半紊一碑所存近二百字少  
成句讀其中並無官稱郡國志云陳國有柘縣  
苦縣沛國有相縣若在春秋時曰相趙氏認柘  
作相誤也 隸續

漢司空掾陳寔碑

碑已殘缺不可辨惟其首八大字尚完字畫奇



偉在穎川陳太丘墓側按後漢書太丘傳載二子紀謚紀為大鴻臚謚不著其為官何惟劉孝標注世說引海內先賢傳曰謚字季方寔少子也司空掾公車徵不就蚤卒然則斯碑豈非陳謚碑乎金石錄

漢故司空掾陳君碑篆額蔡中郎所作第三碑也此碑僅有前七十字下文盡皆不存中郎作太丘第一碑云春秋八十三中卒三年卒漢史誤作四年此碑作五年者乃豫牧立碑之年也趙氏跋云文已殘缺不可辨惟八篆額字畫奇

偉引世說注太丘次子謚嘗以司空掾名謂此是陳謚之碑殊不知碑中自有太丘姓名其文又在蔡邕集蓋不能認碑故有斯誤隸續

漢河南尹蘇府君碑額

漢故河南尹蘇府君碑在許州道傍碑無文詞惟此十字其額尔金石錄

漢尚書左僕射荀公碑

在長社縣東北七里冢前文字磨滅訪碑錄

魏公卿上尊號奏

唐賢多傳為梁鵠書今人或謂非鵠也乃鍾繇



書尔未知孰是集古錄

不著書撰人名氏與受禪壇記同漢既禪位文

帝未受魏相國安樂鄉侯華歆等上表勸進集古錄

目錄

公卿將軍上尊號奏篆額相傳以為鍾繇書其

中有大理東武亭侯臣繇者乃其人也當時內

外前後勸進之辭不一此蓋其最後一章碑自

造于華裔字之後石理皴剥字跡掩昧今世所

傳者多是前一段尔隸釋

### 魏尊號奏碑陰

碑云陛下即位光昭文德以綱武功勤恤民隱

視者如傷凡十行刻于碑陰蓋尊號奏文多不

能盡故刊于碑陰以足之非別碑也石理皴剥

世多不傳隸釋載自造華裔字之後石理皴剥

字跡掩昧謂此碑也復齋碑錄

### 魏受禪碑

世傳為梁鵠書而顏真卿又以為鍾繇書莫知

孰是集古錄

隸書不著書撰人名氏世傳以為鍾繇書或以

為梁鵠書魏文帝黃初元年為壇於繁昌以受



漢禪碑不著所立年月在魏文帝廟中

集古錄目

繁昌縣城內有三臺時人謂之繁昌臺壇前有  
二碑魏文帝受禪於此自壇而降曰舜禹之事  
吾知之矣故其石銘曰遂於繁昌築灵壇也於  
後其碑六字生金論者以為司馬金行故曹氏  
六世遷魏而事晉

水經

魏受禪表篆額在許州昌小曰鍾繇書所謂表  
者蓋表揭其事非奏表之表也水經云繁昌城  
內有三臺人謂之繁昌臺壇前二碑其後六字  
生金論者以為司馬金行故曹氏六世遷魏而

晉此蓋附會符命之談也

隸釋

魏受禪表王朗文梁鵠書鍾繇鐫字謂之三絕

劉禹錫

嘉話

延康元年獻皇帝詔張悌持節持璽後禪位于

魏丕即築壇受禪顧群臣曰舜禹之事吾知之

矣乃立二碑此其一也碑後六字生金說者以

為司馬金行故曹氏六世遷魏而事晉嘉話錄

云此碑王朗文梁鵠書鍾繇鐫時稱三絕書斷

則謂元常八分入妙魏受禪碑為最直言鍾元

常未知孰是近時士大夫學隸者多學此碑余



謂捨石徑而學此碑如學畫虎此可與知音者

道集古後錄

### 晉議郎陳先生碑

隸書不著書撰人名氏碑字斷缺其可見者曰

廷穎川許昌人不知其為名與字也其額曰晉

故議郎陳先生碑元康二年門生尹含等立集古

目錄

### 晉尉氏令陳君碑

隸書今碑石殘缺不可悉攷其可見者曰字道

臧太尉掾之小子其額曰晉尉氏令陳君碑以

此知其官及姓氏也集古錄目

### 東魏造石像碑

不著書撰人名氏陽翟郡防境大都督石文達

等為太守敬曦造像記以武定七年立集古錄目

### 北齊赫連府君清德頌

據北史列傳子悅為鄭州刺史郡人請為立碑

詔許之碑所載亦同而碑乃在今許昌者按隋

書地理志穎川郡舊置穎州東魏改曰鄭州後

周改曰許州金石錄

### 唐題度人經变相



予家舊藏唐閻立本畫靈寶度人經變相褚遂良題字惜其歲久湮滅將失永傳獨字畫僅可摸刻以貽好事云元祐戊辰仲冬韓城苑正思記

本碑跋

### 唐文蕩律師塔碑

唐前河南告成尉盧奐撰著作郎魏栖梧書律師姓藥氏河南密縣人開元十三年十月弟子一智為之建塔立此碑在陽翟縣

集古錄目

### 唐立舞陽侯祠堂碑

唐校書郎王利器撰集賢院待制史惟則八分

前不化府司錄徐浩篆額舞陽令張紫陽等脩廟記也碑以天寶二年一月立在舞陽縣

集古錄目

### 唐讀樊丞相傳詩

唐河陰尉鄭昞之撰安定胡需然分書不著年月

集古錄目

### 唐穎陽觀碑

唐張棻撰史惟則分書天寶五年七月立

金石錄

### 唐陳太丘祖德碑

系孫兼撰序位撰銘伍子膺書天寶九載十一

月立

金石錄



唐善財寺碑

唐史惟則分書在陽翟縣訪碑錄

唐立漢黃公廟碑在翟陽

唐李翰撰張從申行書李陽水冢額建中元年

三月立金石錄

唐張敬因碑

唐顏真卿撰并書在許州臨潁縣民田中慶歷

初有知此碑者稍往募之民家患其踐田稼

遂擊碎之余在滁陽聞而遣人往求之得其殘

缺者為七段矣其文不可次第獨其名氏存焉

曰君諱敬因南陽人也其字畫尤奇甚可惜也

集古錄

敬因南陽西鄂人子巨濟為淮西節度使追贈

敬因和州刺史此碑埋沒已久慶歷初縣民耕

出之遠近聞者爭往摹搨村民歎苦其擾遂擊

碎之今在者數段耳人猶摸之故其文不完真

卿官爵及立碑年月則皆亡矣集古錄目

唐陽翟縣廳壁記

唐許堯佐撰吳宗冉書元和十四年五月金石錄

唐令長新誠

卷五



唐玄宗御製太和九年縣令李易簡建鄭宗冉書此本無玄宗勅書而別有勅語乃當時召新除令長賜食于朝堂而遣之叮嚀慰勉之言也在舞陽縣集古錄目

唐陽翟縣水亭記

唐魏庾撰并書大中五年五月金石錄

唐陽翟縣新石橋記

唐崔周衡書訪碑錄

唐立舞陽侯樊君碑堂記

裴穎撰唐長孺八分書諸道石刻錄

唐石橋記

崔周衡書在陽翟縣訪碑錄



鄭州

秦屬三川郡二漢及魏屬河南郡晉置  
滎陽郡後魏為東恒農郡東魏置廣武  
郡後周置鄭州隋開皇十六年曰管州  
煬帝初復為鄭州尋廢置滎陽郡唐正  
觀元年曰滎陽郡自武牢移鄭州治此天寶  
元年曰滎陽郡  
皇朝景祐元年縣奉寧軍節度崇寧四  
年建為西輔全縣六  
管城 滎陽 新鄭  
原武 滎澤 密縣

晉右軍將軍鄭烈碑

不著書撰人名氏字為隸書烈字休林滎陽人

官至兗州刺史輕車將軍卒薨侯拜議郎卒贈

右將軍謚曰僖故吏殿中監申揚等立此碑以



以太康四年立集古錄目

其碑云君諱烈字休林又云曾祖先先生皇祖微君顯考將作大匠寔有茂德載在國策烈晉史史無傳以碑攷之嘗為文帝參佐武帝時任為兗州刺史封東莞男以疾徵拜議郎卒于太康二年追贈右軍將軍謚曰僖侯云金石錄

晉故右軍將軍平莞僖侯鄭府君之碑隸額鄭君名烈滎陽人仕于晉初至兗州刺史輕車將軍召拜議郎以太康二年八月卒故吏申揚等立此碑四年之七月也鄭君所封其上一平字

則曉然可識下一字則微有缺損小歐陽謂之平莞侯趙氏以為東莞則誤也晉縣亦無平莞非鄉名即亭名也予嘗以魏末至晉末隸字無可取者晚獲此碑其勁健方格頽後絕配若雜置漢刻中未易甄別隸續

隋鄭州刺史李淵造石像記  
大業二年三月造在滎陽縣訪碑錄

唐高宗造像記  
大業二年三月金石錄

周立漢太尉紀信碑卷五



盧藏用撰并八分書長安二年七月立金石錄

唐陽武縣李行忠佛堂記

無撰人姓名唐李固微書景雲元年十一月

建復齋碑錄

唐商州刺史歐陽珪碑

唐顏真卿撰并書珪字珪渤海人仕至高州刺

史武關防禦使去官不仕而終碑以大曆十年

十月立集古錄目

唐京河水門記

唐秘書省校書郎直史館韋處厚撰處士唐衢

八分鄭州刺史李少和引京水注于管城之北

為石水門以節其出入元和五年正月立此碑

集古錄目

唐元昇寺多寶塔碑

唐裴度撰王凝行書元和十二年二月立在新

鄭縣復齋碑錄

唐大海寺王像碑

唐張仲方撰韓齊申分書并篆額長慶四年正

月立復齋碑錄

縣令馬公德政頌

卷五

志



諸道石刻錄

滑州  
 春秋時屬衛戰國時屬  
 魏秦屬東郡二漢因之晉為陳留  
 二國宋武帝平河南置兗州以爲  
 後魏置東郡隋置杞州後為滑州又改  
 為党州後復為東郡唐復為滑州天寶  
 元年更名靈昌郡大曆七年陞義成軍  
 節度後避梁王父諱改曰宣義軍後唐  
 復故而以靈昌曰靈河  
 皇朝太平興國四年改武成軍今縣三  
 白馬韋城昨城

後周大象碑

不著書撰人名氏碑文為對偶述事不明又但

稱延壽公而無姓名今以北史攷之周大象二

年尉遲迥兵起於鄴分遣部將所在攻下城邑

表五

主



東郡太守延壽公于仲文棄郡奔閔中拜

還擊迥軍取梁郡敗其將檀讓于武城破

羅於金鄉與此碑同蓋文仲紀功碑也大象二

年立

集古錄目

宇文氏之事迹無足采者惟其字畫不俗亦有  
取為翫物以志憂者惟恠竒變態真偽相雜使  
覽者自擇則可以忘倦為故余于集古所錄者

博矣

集古錄

隋儀同府參軍黃山碑

不著書撰人名氏山字子岳荊州江夏人仕至

儀同孔仲衡府參軍碑以大業九年立

集古錄目

隋舍利塔銘

正書篆額

諸道石刻錄

周黃羅刹碑

唐秦王府學士虞世南撰不著書人名氏羅刹

東郡胙縣人周末尉逢迥兵起羅刹聚眾擊之

授缺碑軍總管碑以武德八年十月立

集古錄目

羅刹仕周為行軍總管其子君漢唐初為特有

功武德中為父追立此碑

金石錄

唐黃君漢碑

卷五



唐東宮左庶子李伯藥撰不著書人名氏君漢  
字景雲東郡胙縣人羅刹之子唐初官至夔州  
都督封虢國公碑以貞觀六年立集古錄目

唐匡城令鄭府君碑

唐校書郎吳光璧撰前國子進士李惟恕書滑  
州匡城令鄭諲去思頌德之碑也諲字封敬榮

陽開封人碑以景龍中立集古錄目

唐滑臺銘

唐李季卿撰令狐彰行書永泰元年正月金石錄

唐滑臺記

唐崔粲撰永泰元年諸道石刻錄

唐令狐彰開河碑

唐中書侍郎平章事元載撰尚書吏部侍郎徐  
浩書并篆額先是河至酸棗瀕縣而東歲失河  
道尚書右僕射霍國公令狐彰開之碑以大歷  
八年正月立新增

唐清臺新驛記

唐滑臺節度使李勉撰李陽水篆勉使同州別  
駕裴萬增廣驛舍以大歷九年八月立此碑於

驛中集古錄目



李陽水篆在今涓州驛中其陰有銘曰斯去千載水生唐時水今又去後來者誰後千載有人吾不知之後千載無人當盡于斯嗚呼郡人為吾寶之不知作者為誰然賈耽嘗為李騰序說文字源盛稱陽水此記耽為涓州刺史因見記而稱之耳陽水所書世固多有可愛者不斯記也

集古錄

唐李勉撰李陽水篆其陰有銘歐陽公云不知作者為誰余嘗攷之乃舒元與玉筋篆志後贊也其文載于唐文粹及元輿集中歐陽公偶未

嘗見之尔

金石錄

唐涓臺新驛記

裴

八分書

金石錄

唐涓州新井銘

唐賈耽撰徐璿正書李騰篆額貞元五年九月

金石錄

唐說文字源

唐義成軍節度使賈耽撰序前揚府戶曹參軍徐璿書秘書少監李陽水重修漢許慎說文字源陽水從子檢校祠部員外郎騰篆凡五百四



十字碑以貞元五年十月立集古錄目

唐明皇送李邕赴滑州詩

唐栢元封行書元和五年十月金石錄

唐李元素二州慰思述

唐義成軍節度鄭滑等州觀察李元素二州慰思述庾承宣撰唐衢分書并篆額元和中立復齋

碑錄

唐義成軍節度李聽德政碑

唐宋申錫奉勅撰待詔侯丕奉勅正書太和三年八月建復齋碑錄

唐節堂記

唐劉三復撰李德裕分書太和四年五月金石錄

唐秋日登樓望贊皇山詩

唐李德裕撰并分書太和四年八月金石錄

唐李德裕德政碑

唐賈餗奉勅撰歸融奉勅分書太和六年八月立復齋碑錄

唐李聽修堯祠記

唐白敏中撰開成二年立訪碑錄

堯祠在州西南五十里漢劉盆子所立唐寶曆堯



中節度使李聽祈雨有應重修立記寰宇

蘇李顯本武陽

蘇李顯本武陽

蘇李顯本武陽

蘇李顯本武陽

蘇李顯本武陽

蘇李顯本武陽

蘇李顯本武陽

蘇李顯本武陽

孟州

春秋戰國皆屬周自漢晉至隋皆屬河  
內郡唐顯度三年割屬河南府建中二  
年乃以河南之河陽河陰濟源溫四縣  
租稅入河陽三城使又以汜水軍賦益  
之會昌三年遂以此五縣為孟州今縣  
六河陽 溫縣 濟源  
汜水 河陰 王屋

漢成臯令任伯嗣碑

其首已殘缺其可見者云字伯嗣南陽編人也

又云延熹五年以梁陽相遷來臨縣其後歷叙

政績又云遷尹桂陽碑在今汜水縣汜水在漢

為成臯此碑蓋成臯令德政頌尔後書桓漢桓帝



紀延熹八年有桂陽太守任胤以此碑校之年  
月相符又名與字協知其名胤也金石錄

漢任伯嗣碑陰

大觀初獲此碑置于汜水輦運司廨舍壁間余  
聞其陰有字因託人諷邑官破壁出之遂得此  
本蓋漢碑有陰者十七八世多棄而不錄爾金石錄

漢北軍中侯郭君碑

名字磨滅元碑第四子也其先蓋周之冑

緒枝葉雲布列在川郡又云復辟司徒拜北軍

中侯年六十有六建寧四年九月丙子卒集古錄

漢故北軍中侯郭君碑篆額郭君字仲奇嘗為

司隸中都官從事辟將軍府宰比陽建寧四年

九月卒五年三月葬復齋碑錄

漢司隸從事郭究碑

漢隸不著書撰人名氏究字長碑缺汲人也官至

司隸從事碑以中平元年立集古錄目

碑云君諱究汲人也元城君之孫碓陽令之而

歷主簿督郵五官掾功曹守令長辟司隸從事



部郡都官春秋二十八而卒中平元年歲在甲子三月而葬集古錄

漢故司隸從事郭君碑篆額郭君名完仕郡諸

曹史辟從事年二十八而卒靈帝中平元年葬

隸釋

### 漢郎中郭君碑

漢郎中郭君之碑隸額名字皆缺文辭亦有

可句者其云惠兄仲屏又云元兄維世而有為

人後者為之子之文蓋郭君以兄之子為後也

郭仲奇碑嘗有惠兄之稱此碑復尔仲屏者若

非仲奇之伯則其同族也

隸釋

### 隋梁公堰紀功碑

在河陰縣西二十里本漢平帝汴河決壞至明

帝永平十二年乃令王景理渠堤其後通塞各

計朝代隋開皇七年使梁睿增修古堰過河入

汴立碑紀功寰宇記

### 唐等慈寺碑

唐秘書少監顏師古奉勅撰不著書人名氏初

太宗東伐王世充竇建德來救破之於汜水及

即位有詔嘗破敵之處皆建寺以為戰死者賞



福此其一也碑以貞觀二年立集古錄目

其寺在鄭州汜水唐太宗破王世充竇建德乃

於其戰處建寺云為陣亡薦福唐初用

賊處多大抵皆造寺此其一也集古錄

### 唐紀功碑

唐高宗撰并行書飛白題額顯慶四年八月在

汜水金石錄

### 唐脩敬寺旭禪師碑

無書撰人名氏禪師姓趙氏絳州稷山人碑以

萬歲通天二年立在河陽集古錄目

### 唐明皇過汜水詩

開元十三年十月諸道石刻錄

### 唐重脩梁公堰碑

唐汜水主簿趙居貞撰縣令王象書梁八堰者

隋開皇中華陽梁睿所修故以為名依山鑿堰

以導河水通運路中間改其舊制別起渠口當

河衝立石柱以醜水既成遽填塞不能通開元

十五年勅將作大匠范安復其故迹作此銘碑

以開元十五年二月立集古錄目

### 唐令長新誠

卷五



唐開元中縣令馮宴所刻後歲久以為柱礎寶

歷二年縣令崔濤移置於縣廳集古錄目

### 唐濟源令李造遺愛頌

唐中書舍人梁陟撰監察御史集賢院修撰徐

浩書李公名造唐之宗室自濟源令入為

此頌濟源册立碑以開元二十六年十一月立

集古錄目

### 唐淄川令裴大智碑

唐滑州刺史李邕撰司碑員外郎蕭誠書大智

河東人官至淄川縣令碑以開元十九年十一

月立在濟源集古錄目

蕭誠以書知名當時今碑刻傳于世者頗少人

集錄所得總數本尔然字畫筆法多不同疑摸

刻之有工拙惟此碑及獨孤册碑字體同而最

佳集古錄

### 唐小魯真人仙解謠

唐國清撰進士程錫書真人名威字和光年

八歲及其兄希言皆為道士於奉仙宮此碑止

有其半不見所終及立石年月在濟源集古錄目

唐魯國清遂陳錫正書天寶三載七月立金石錄



唐開梁公堰頌

唐初順之撰徐浩分書并篆額天寶六年七月

立金石錄

唐開梁公堰碑陰記

唐平致和撰并正書天寶六載七月立金石錄

唐貞一先生廟碣

唐左威衛錄事參軍衛憑撰右監門衛兵曹參軍薛希昌八分貞一先生者道士司馬子微也字承禎法號道德又自號白雲先生明皇置陽臺宮於王屋山以處之追謚貞一其從子綱因

所居立以為廟碑無所立年月在王屋縣集古錄目

唐貞一先生廟碣天寶六載七月立金石錄

唐濟源令房瑄遺愛頌

唐監察御史平冽撰河陽縣令徐浩書房公名瑄清河人嘗為濟源令冽作頌時瑄為給事中

碑以天寶七年二月立集古錄目

唐宴濟瀆廟碑

唐達奚珣撰薛希昌分書天寶中立金石錄

唐濟瀆廟祭器銘

唐濟源縣令張洪撰八分書不著名氏濟源有



北海祠壇故四時祠祀必取祭器于河南沉幣  
雙舫以沁河渡口船為之往返勞弊是時大  
風拔木洪回取以為祭器隻舫及雜用之物碑  
以貞元十三年立集古錄目

唐重修李造遺愛碑記

唐高後規撰高從彥正書貞元二十一年立金石錄

唐韓文公送李愈歸盤谷序

韓愈撰盤谷在孟州濟源貞元中縣令刻  
其側令姓崔其名湊今已磨滅集古錄

正書無姓名貞元中刻石金石錄

唐韓文公題名

唐都官員外郎韓愈元和四年題在濟源集古錄目

唐房瑄碑陰記

唐石洪撰兵部郎中鄭樞書房瑄有遺愛碑在  
濟源元和六年瑄從祖子式以河南尹奉詔祠  
濟源洪等刻此記于碑陰集古錄目

唐濟祠亭記并詩

濟源有三淵當祠下俗謂之海縣令房瑄初立  
亭于北海上以為祠神之所元和九縣令李  
其



朝陽廣其制度作記并詩記朝陽之子蟠撰詩  
李朝陽撰裴濟書鄭冠篆額集古錄目

唐濟祠西海新亭記

唐房琯立亭于北海上李朝陽為之記而西海  
之地故為民家所有縣令王源迥取之以立亭  
又作西海新亭記鳳翔節度推官侯雲章撰濟  
源令章行質書鄭冠篆額碑以長慶二年立集古錄

唐嶺南節度鄭權碑

唐陝州大都督府長史庾承宣撰萬年縣令姚

向書權字復道滎陽人官至嶺南節度使碑以

寶曆二年立集古錄目

姚向書筆力精勁雖唐人工于書者多而及此  
者亦少惜其不傳于世而今人莫有知者惟余  
以集錄之傳得此而已集古錄

唐司馬子微溪記

唐王屋令崔運撰道士張弘明書大和三年刻

在王屋縣集古錄目

唐司馬子微坐忘論

唐白雲先生撰道士張弘明書大和三年女道



士柳凝然趙景玄刻石并凝然所為銘同刻後

又有篆書曰盧仝高常巖固元和五年凡十字

碑在王屋集古錄目

唐白居易遊濟源詩

正書大和五年九月馮宿詩附錄金石

白樂天遊王屋山詩

唐白居易撰道士張弘明正書大和六年十月

題復齋碑錄

唐高瑀神道碑

唐司徒侍中東都留守裴度撰河南尹鄭澣書

瑀字乾亮渤海脩人官至忠武軍節度使贈司

空碑以大和八年立集古錄目

唐李石神道碑

唐東都留守李德裕撰工部侍郎柳公權書碑

文殘缺名字皆不可見攷其世系事迹知為李

石碑也碑以大中、立在河陰集古錄目

余家集錄顏柳書尤多惟碑石不完者則其字

尤佳非字之然也譬夫金玉埋沒于泥滓時、

發見其一二則粲然在目特為可喜爾集古錄

唐睿宗賜白雲先生書



唐孔岑父碑

唐賜白雲先生勅三京宗勅并送別詩各一陽  
臺宮畫壁奏狀并答勅乾元二年禁山廟採樵  
勅三大中八年王屋主簿韓抗書以刻石集古錄目

唐太子少傅鄭綱撰前大理少卿柳知微書府  
君名岑父字次翁魯國鉅人官至著作佐郎子  
戡戢皆顯貴贈岑父司空碑以咸通十二年立

在河陰縣集古錄目

唐贈司空孔岑父碑咸通十一年正月立金石錄

溫縣造文宣王廟記

李建正書篆額諸道石刻錄



蔡州

春秋時屬沈蔡戰國屬楚魏秦屬潁川  
郡漢置汝南郡後漢及魏晉皆因之宋  
及後魏兼置豫州以重鎮東魏置行  
臺後周置總管府後改曰舒州尋復曰  
豫州後改曰蔡州隋開皇初郡廢大業  
初州廢後置汝南郡唐武德三年曰豫  
州天寶元年曰汝南郡寶應元年改曰  
蔡州景祐二年陞淮康軍節度今縣十  
皇朝景祐二年陞淮康軍節度今縣十  
汝陽上蔡新蔡褒信  
平輿遂平新息  
確山貞陽西平

漢永樂少府賈君闕

漢故永樂少府將作賈君之闕碑為篆書而將

作下二字缺不可識

集古錄目



按漢書栢桓帝母孝宗隱皇后居永樂宮和平元  
年詔置太僕少府如長樂故事又按漢官  
樂少府以官者為之則賈君蓋亦官者也集古錄

隋午卯寺碑

開皇十年五月八日息州刺史梁洋建復齋碑錄

隋梁洋建塔表德政碑

不著書撰人名氏隋息州參軍裴五等為刺史  
梁洋建塔以表德政碑以開皇十一年立在新

息縣集古錄目

在今蔡州新息縣隋開皇十一年參軍裴玉興

州人為息州刺史梁洋建寶塔表德政碑按隋  
書志後周于新息置息州大業中州廢集古錄

唐豫州刺史狄梁公碑

唐元通禮撰党復書貞元三年重立訪碑錄

唐平淮西碑

唐段文昌撰陸印分書并篆額元和十四年十  
二月建復齋碑錄

唐澶州刺史高承簡德政碑

唐王起撰裴湍書長慶中立按唐書地理志元  
和十二年以鄆城上蔡西平遂平四縣置澶州



長慶元年州廢今碑後題長慶而其下殘缺當  
為元年蓋是年州遂廢矣高公者名承簡崇文  
之子為裴度牙將後至邠寧節度唐史有傳  
金石錄

### 陳州

秦屬潁川郡二漢屬淮陽國汝南郡後  
漢曰之晉屬梁國汝南郡後魏置陳郡  
及北揚州北齊改為信州隋為陳州後  
置淮陽郡唐為陳州晉開運二年置鎮  
安軍節度漢初軍廢周廣政二年復之  
今縣五  
宛丘 項城 商水  
南頓 西華

### 漢封觀碑

在項城縣墓前

訪碑錄

### 魏賈逵碑

隸書不著書撰人名氏逵字安道河東襄陵人  
魏明帝時官至建威將軍豫州刺史故從事吳



康等立此碑

集古錄目

魏故建威將軍豫州刺史陽里亭侯賈君之碑  
篆額在項城縣本廟內

訪碑錄

### 唐龍興寺碑

唐兵部侍郎脩文館學士張說撰吏部侍郎脩文館學士盧藏用八分中宗初復位天下州郡皆置龍興寺一所此碑以景龍四年五月立

集古

錄目

### 唐龍興寺碑陰

唐薛融書檢校陳州刺史韓琦等題名凡五十

六人又有僧惠明等題名十六人別體書不著

名氏

集古錄目

### 唐大雲寺講堂碑

唐李邕撰并書開元十一年

諸道石刻錄

### 唐八卦壇碑

在宛丘縣北一里即伏羲于蔡水得龜因畫八卦之壇舊有長史張濟賢之文後刺史李邕除舊文換新文刻之

寰宇記

### 唐伏羲廟碑

唐孫即撰趙毅書并題額光化中立

訪碑錄



唐開元寺講堂記

唐盧中敏書 諸道石刻錄

魏文廟碑

李勳文 諸道石刻錄

潁州

春秋時為胡國及楚地秦為潁川郡地  
二漢屬汝南郡魏置汝陰郡晉因之後  
魏置潁川郡隋亦為潁川復為汝陰郡  
唐為潁州  
皇朝元豐二年陞順昌軍節度今縣四  
汝陰 萬壽 潁上 沈丘

唐顏默殘碑

初潁川人家以其石為馬臺皇祐中王回深甫  
之弟問容季見而識其為顏書因摹本以傳深  
父為文以記之默晉仕為汝陰太守故大厯中  
魯公追建此碑于汝陰 金石錄

唐張龍公廟碑



唐澶人趙耕撰不著書人名氏龍公名  
妻子言已與蓼人鄭祥遠皆龍

諸子助戰以絳綃繫鬣為別祥遠敗歿公與  
子皆化為龍土人為之立廟潁州刺史王敬光  
又增大之碑以乾寧元年立在潁上縣百社村

集古  
錄目

趙耕撰碑云君諱路斯潁上百社人也隋初明  
經登第景龍中為宣城令夫人閔州石氏生九  
子公罷令歸每夕出自戌至丑歸常醉冷且濕  
石氏異而詢之公曰吾龍也蓼人鄭祥遠亦龍

也騎白牛據吾池自謂鄭公池吾屢與戰未勝  
明日取決可令吾子扶弓矢射之繫鬣以青綃  
者鄭也絳綃者吾也子遂射中青綃鄭怒東北  
去投合肥西山歿今龍穴山是也由是公與九  
子俱復為龍亦可謂恠矣余嘗以事至百社村  
過其祠下見其林木陰蔚池水窈然誠異物之  
所托歲時禱雨屢獲其應汝陰人尤以為神也

集古  
錄



汝州  
戰國屬韓秦屬三川郡二漢為河南潁川郡魏晉屬河南襄城郡後魏屬汝北魯陽郡東魏置北荊州後周改曰和州隋初置伊州煬帝初改為汝州後廢州以其地屬襄城潁川二郡唐為汝州天寶元年曰臨汝郡今縣五  
梁山襄城葉縣  
魯山龍興

漢吉成侯州輔碑

隼縣渰水南有漢中常侍長樂太僕吉成侯州  
苞冢冢前有碑墓西枕岡城開四門：有兩石  
獸墳傾墓毀碑獸淪移人有掘出一獸猶全不  
破甚高壯頭去地几一丈許制作甚工左膊上



刻作辟邪字其碑云六帝四后是謚是詠蓋仕  
自安帝沒于桓后水經注

名字已殘缺其額題云漢故中常侍長樂太僕  
吉成侯州君之銘此碑載當時詔書有云其封  
輔為葉吉成侯以此知其名輔而鄒道元注水  
經云涇水南有漢中常侍長樂太僕吉成侯州  
苞冢冢前有碑其詞云六帝四后是懿是詠今  
驗其文寔有此語獨以輔為苞蓋水經之誤金石錄

漢故中常侍長樂太僕吉成侯州君之銘篆額  
州君名輔為小黄門大宮今復拜小黄門歷藏  
府令謁者令中尚方令中常侍黃門令長樂太  
僕大長秋封葉吉成侯以威宗永壽二年十二  
月卒此碑叙其歷事六帝四后詳贍有史法與  
漢代他碑體格絕不同隸釋

### 漢吉成侯州輔碑陰

州輔碑陰自漢陽太守而下四十有九人其八  
人稱邑曰冠軍曰宛曰章陵曰新野曰比陽曰  
魯陽皆南陽之邑也餘人唯延篤有傳乃南陽  
犍人則不稱邑者犍之人也碑云鄉人姻族相



與刊石則又知輔為隼縣人也隸釋

### 漢州輔墓石獸膊字

鄜道元注水經云州君墓有兩石獸已淪沒人有掘出一獸猶全不破甚高壯頭去地丈許制作甚工左膊上刻作辟邪字余初得州君墓碑又覽水經所載意此字猶存會故人董之明守官汝穎間因託訪求之踰年持以見寄其一辟邪道元所見也其一乃天祿字差大皆完好可喜之明又云天祿近歲為村民所毀辟邪雖存然字畫已殘缺難辨此蓋十年前邑人所藏今

不可復得矣金石錄

### 漢都鄉正衛彈碑

在汝州界故昆陽城中文字磨滅不可攷究其歲月略可見蓋中平二年正月而其額題都鄉正衛彈碑蓋莫知為何碑也金石錄  
都鄉正衛彈碑隸額靈帝中平二年立次有張苞杜則題名數人隸釋

### 唐獨孤哲祭葉公文

正書無名氏乾封二年十一月立在葉縣復齋碑錄

### 唐溫湯碑

卷五



在梁縣西四十里唐聖歷三年正月則天駕幸  
今有碑石斷折寰宇記

唐則天幸流杯亭宴詩

唐麟臺丞殷仲容書武后聖歷三年幸汝州宴  
飲于州南流杯亭與群臣分韻賦詩武后御製  
及梁王三思等凡七首平章事李嶠為序以久  
視元年九月刻石碑後沒于汝水中貞元五年  
刺史陸長源輦出之有記在碑陰字為八分書  
集古錄目  
唐武后久視元年幸汝州溫湯群臣應制詩也

李嶠序殷仲容書開元中汝水壞其碑亭碑亦  
沉沒貞元中陸長源為刺史以為嶠序仲容書  
絕代之寶也乃為之造亭立碑自記其事于碑  
陰武氏亂唐毒流天下其遺蹟宜為唐人所棄  
而當長源當時賢者區區于此何哉然余今又  
錄之者特以仲容書尔是以君子患乎多愛集古錄  
在梁縣城南三十里唐則天嘗與侍臣施元崇  
蘇頲武三思薛耀等遊宴賦詩寰宇記

唐葉縣令宗公遺愛頌

唐吳師道撰正書無姓名神龍三年五月

金石錄



唐廣成子廟碑

崆峒山在梁縣西南四十里有廣成子廟即黃帝問道于廣成子之所唐開元二年汝州刺史充本州防禦使盧貞立碑寰宇記

唐王仙公廟記

唐岑均撰參軍高重明書仙公者漢葉縣令王喬也縣人舊以姓名稱其廟唐葉令史惟清改曰仙公碑以開元二十五年刻在葉縣集古錄目

唐宋公神道碑

唐中書舍人孫逖撰河南府陽翟縣尉集賢校

理御書史惟則八分宋公名字缺亡而碑不著其鄉里官至延州刺史碑以天寶四年立在梁

縣集古錄目

唐汝州刺史李深遺愛頌

撰人名缺韓秀弼分書大歷十二年三月金石錄

唐容州都督元結碑

唐湖州刺史顏魯公撰并書元結字次山官至容州都督本管經略使碑以大歷中立在魯山

縣集古錄目

唐自太宗致治之盛幾乎三代之隆而惟文章



獨不能萃五國之弊既久而後韓柳之後出蓋  
習俗難變而文章之文体又難也次山當開元  
天寶時獨作古文其筆力雄健意氣超拔不減  
韓之後也可謂特立之士哉

集古錄

### 唐流杯亭詩碑陰記

唐陸長源撰八分書無姓名貞元五年立附

金石錄

### 唐復黃陂記

唐前鄉貢進士侯喜撰不著書人名氏汝州有  
三十六陂黃陂為最大自隋始築至唐開元中

數復廢決貞元十八年刺史盧度築而復之碑

以元和三年立

集古錄目

黃陂在今汝州汝州有三十六陂黃陂最大溉

田千頃始作于隋記云至貞元辛未刺史盧度

始復之辛未貞元七年也碑元和三年建

集古錄

### 唐龍興寺碑

正書無書撰人名氏寶曆二年五月

復齋碑錄

### 唐元魯山琴臺記

唐汝州魯山縣令宋慤撰不著書人名氏琴臺

者故縣令元德秀之所立慤葺其頽毀以大中

卷五

聖



八年正月立此記在魯山集古錄日

唐商餘孫

唐蘇預預撰韓擇交木八分書預友元結隱居教授

于商餘之肥溪預為作此辭預時為河南令自

號中行子碑不載刻石年月在魯山縣集古錄日

魯陽公墓四字

在魯山縣露山東北五里墓上石碑有魯陽公

墓四字寰宇記

後周文宣王廟記

縣令郭忠恕撰并書按國史忠恕為漢湘陰公

從事周祖徵為周易博士國初貶乾州司戶太

宗朝復任國子主簿流登州卒不載其嘗為縣

令也記云縣在汝水之泃嵩山之陽不知其為

何縣最後題甲寅四月十五日建蓋周世宗乾

德元年也或云此記在汝州界中金石錄

汝帖十二卷

宋朱汝踰年吏民習其跡拙不甚諉以事閉閣

蕭散奉親之外獨念棄日偶得三代而下訖工

五季字書百家冠以倉頡奇古篆籀隸草真行

之法略具用十二石刻置坐嘯堂壁其論世正



名于治亂之際君子小人之分每致意焉識者  
謂之筆史蓋使小學家流因以博古知義不特  
區、近筆硯而已大觀三年八月上下敷陽王  
宋記宋字輔道 本跋

頃在洛中聞汝州新鑄諸帖謂之汝刻其名已  
勿典矣意謂其彙擇必佳及見之乃大不然雜  
取法帖續帖中所有者時載之又珉玉開選不  
能辨也此猶亡害至其集古帖及碑中字萃為  
偽帖并以一帖省其文別為帖語及強名者甚  
多稍識書者便可別之如以逸少帖春秋輒為

患不得北軍問遠近清和等語乃摘取北軍遠  
近春秋等字集為一帖強為王衍書以續帖中  
諸縣故佳字強名為王楨之書 楨之字公幹徽之于取汝

州東漢州輔碑中數字強名為蔡中郎書取衍  
州魏孝文弔比干文中數行強名為崔浩書如  
北齊碑便目為溫子昇後魏碑便目為沈法會  
如此者甚多且如弔比干文魏孝文作而崔浩  
之友在太武時乃目為浩書其不稽古如此至  
若張華帖內雜以寶章集中王慈字薛稷帖中  
雜以法帖內子敬字皆集成之字意全不相屬



取王筠帖中和南清祿一帖疑有如是者不可  
具載幸世尚多古帖極有未傳者自可刻其全  
篇何必區區作偽以誤後學但貽識者嗤笑耳  
汝州既以石十餘刻之而越州復傳其本又刻  
之二州之石殊可弔也信知識真者少何足恠  
云東觀  
餘論

寶刻叢編卷第五

至正庚寅冬得于武林河下之書鋪歸置于竹  
江舊隱之凝清齋俞子中父誌

至順改元夏五月五日收此書本 保居敬記



至誠以心夏五月三日必批音本於音聲韻

江天新入誠能

公臨平海林區仁八維龍圖





